

Uunga siunnersuut: Allagaateqarfeqarneq pillugu Inatsisartut inatsisaat

Saqqummiussissut

(Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisunut Ilaasortaq)

Siullermeerneqarnera

Naalakkersuisut sinnerlugit matumuuna Allagaateqarfeqarneq pillugu Inatsisartut inatsisissaattut siunnersuut saqqummiutissavara.

Inatsisikkut siunertarineqartoq pingaardeq tassaavoq kingulissat oqaluttuarisaanikkut najoqqtassaqaqtinnejarnissaat. Allagaateqarfip pisortat oqartussaqarfifi sullissiveqarfifi ilu kalaallit piorsarsimassutsikkut kingornussaat ingerlatissavai ingerlateqqittassallugillu. Aamma tamanna atutissaaq allagaateqarfik toqqortanik, inunnit ataasiakkaanit sullissiveqarfinnillu il.il. siunnersummi § 1, imm. 1-2-imi ilaatinneqanngitsunit tigusaqarpat.

Inatsit atuuttoq 1998-imeersuuvoq, taamanikkut toqqortat amerlanerpaat pappialaagallarmata. Siunnersummi paassisutissiisarnermi teknologi sulinermi pissusissamisuuginnartumik atugaalersimanera, aamma pisortat sullissiveqarfifi, allaffinni pappialanik atuiunnaariartuinnarfiuneranut atatillugu isiginiarneqassaaq. Taamaalluni siunnersuut toqqortat elektroniskiusumik toqqortaaasut pillugit aalajangersakkanik nutaanik imaqarpoq, tassuunakkut toqqortat tamavimmik, imaanngitsoq pappialat, bändiniittut assigisaanniittullu kisimik, aammali toqqortat elektroniskiusumik toqqortaaasut nutaanerpaat kingulissanut isumannaarneqarsinnaanngorlugit.

Aammattaaq aalajangersakkanik nutaanik, nalunaarsuiffeqarnermut toqqorsiveqarnermullu pilersaarutinik suliaqartarneq kiisalu atortussaajunnaarsitsisarneq pillugit maleruagassanik erseqqinnerusunik Naalakkersuisut aalajangersanissaannut piginnaatitsisunik ilanngussisoqarpoq. Nunatta Katersugaasivia Allagaateqarfialu taamaallaat najoqqtassatut missingersuutinik tamakku pillugit malittarisassiornissamut manna tikillugu piginnaatinneqarpoq. Tassuunakkut Inatsisartut Ombudsmandiata atorunnaarsitsisarneq pillugu maleruagassanik erseqqinnerusunik, inatsit tulliani allangortinneqalerpat aalajangersaasoqarnissaanik kaammattuuteqarnera akuersarneqarpoq. Erseqqissarneqarpoq maleruagassat allaffeqarfitsigoortumik aalajangersarneqartut Nunatta Katersugaasiviata Allagaateqarfialtu tamatuminnga inassuteqareerneratigut aalajangersarneqassasut.

Aamma pineqaatissiinissamut aalajangersakkat imarisaat ilaneqarput, maleruagassat malinnejarnissaat nalinginnaasumik qulakteerniarlugu. Tassani pineqarput toqqortaatit qanoq pineqarnissaat toqqortarineqarnissaallu, suliaqarfimmik nuussinermi toqqortaatinik nuussisarneq, isumannaatsumik atortussaajunnaarsitsisarneq, toqqortat tunniunneqartinnagit torersarneqarnissaat pisariaqanngitsortaasalu piiarneqarnissaat pillugit malerugassat, aamma toqqortaatit nutaanngitsut atorneqanngitsut tunniunneqartarerat pillugu maleruagassat. Aammattaaq aalajangersarneqarpoq pineqaatissiilluni akiliisitsinissaq pillugu aalajangersakkat, allaffissornermi maleruaqqusat Inatsisartut inatsisaat naapertorlugu atuutilersinneqarsimasut tunngavigalugit aalajangersarneqarsinnaassasut. Kiisalu erseqqissarneqarpoq inatsisit naapertorlugin inatsisitigut pisussaaffilerneqartut aamma pineqaatissiilluni akiliisinneqarsinnaassasut.

Taamatut oqaaseqarlunga siunnersuut Inatsisartunut oqaluuserisassanngortippara.